

Salimetmetam ti Pudno a Panagdayaw (Paset 2)

Naibasar iti kapitulo 16 ti libro nga *Ania a Talaga ti Isursuro ti Biblia?* a mabasa ken mai-download iti jw.org/ilo.

PANGGEP: Adalem a naimbag no ania ti patpatiem ken no apay, sukimatem dagiti isursuro ti Biblia, ken kitaem no kasano a mailawlawagmo dagiti patpatiem.



RUMBENG KADI NGA IPAKAAMMO DAGITI PUDNO A KRISTIANO TI PATPATIENDA?



ADALEM A NAIMBAG DAGITI PATPATIEM

Apay a mabalin a wen ti sungbat ti dadduma?

Apay a mabalin a saan ti sungbat ti dadduma?

Ania ti *patpatiem*?

Apay a kasta ti patpatiem?

Saan a makipinpinapilit dagiti pudno a Kristiano maipapan iti patpatienta.

(Kitaem ti kapitulo 16 ti libro nga *Isursuro ti Biblia*, parapo 13-17.)

Basaem ti Colosas 4:6.

Kasano nga ipakita daytoy a teksto a masapul nga agbalintayo a nataktika no ilawlawagtayo dagiti patpatientayo?

Basaem ti Mateo 7:12.

Apay a masapul a respetuentayo latta dagidiay saan nga umawat kadagiti patpatientayo?



No agay-ayamkayo iti bola, saysayaatem nga ipasa ti bola tapno nalaka a masippaw ti kaay-ayammo. Kasta met, masapul a nataktikatayo no ilawlawagtayo dagiti patpatientayo iti sabsabali tapno maawatanda

Aggigimong dagiti pudno a Kristiano ket sursuruenda no kasano nga ilawlawag dagiti patpatienda kadagiti mayat a mangammo iti ad-adu pay.
(Kitaem ti kapitulo 16 ti libro nga *Isursuro ti Biblia*, parapo 18-19.)

Basaem ti Salmo 22:22; Roma 1:12; ken Hebreo 10:24, 25.

Ania dagiti pagimbaganna no makigimongtayo a kadua dagiti padatayo a Kristiano?

Basaem ti Malakias 3:10.

Ania dagiti maawattayo a bendision no salimetmetantayo ti pudno a panagdayaw?

Siasino dagiti *mabalinmo* a pangibagaan kadagiti patpatiem, ken kasanom a maaramid dayta iti nataktika a pamay-an?

3

ILAWLAWAGMO DAGITI PATPATIEM

NO ADDA MANGIBAGA...

Ipappapilit dagiti Saksi ni Jehova dagiti patpatienda iti sabsabali.

MABALIN NGA ISUNGBATMO...

Maragsakankami a *mangilawlawag* kadagiti patpatienmi kadagidiay mayat a mangammo kadagita. Ngem dimi *pilpiliten* ti asinoman a mangbalbaliw iti patpatienna ta...

Ania a teksto ti mabalinmo nga ibasa kenkuana?

Kasanom nga ilawlawag dayta a teksto bayat nga ikabilangam ti kapanunotanna?

NO ADDA MANGIBAGA...

Personal a banag ti relihion; saan a rumbeng nga isarita dayta iti sabsabali.

MABALIN NGA ISUNGBATMO...

Kasta ti kapanunotan ti adu a tattao ita. Ngem ibagbaga ti Biblia a masapul nga ipakaammotayo dagiti patpatientayo ta...

Ania a teksto ti mabalinmo nga ibasa kenkuana?

Kasanom nga ilawlawag dayta a teksto bayat nga ikabilangam ti kapanunotanna?
